

甘肅全省新通志

卷拾六

76587

180  
37

甘肅新通志卷之十一

風俗 附方言

治隆於上俗美於下此自然之理甘省風氣樸直以善導之則易以興起所云秦俗強悍樂於戰鬪者亦激於敵愾同仇之義耳惟是習俗移人賢者不免而此邦人士猶敦古處亦可見風氣之厚矣記有之修其教不異其俗齊其政不易其宜蓋言俗之所宜初不必強之使同也茲條記風俗附以方言然亦不能悉具云

**甘肅布政司**禹貢雍州之域迫近西戎修習戰備高尙氣力以射獵為先以鞍馬為務酒醴之會上下通焉吏民相親是以風雨時節穀糴常賤少盜賊甲于內郡漢書人性直尙儉約習仁義勤于耕稼多畜牧無復寇盜並有金方之氣隋書秦風獵野務農圖經雍州土厚水深其民厚重質直無驕情之習以善導之則易以興起而篤於

甘肅新通志

卷十一

輿地志 風俗

一

仁義以猛驅之其強毅果敢之資亦足以強兵力農而成富強之業朱子傳土本膏腴民事耕殖元一統志民俗質樸風土壯猛人性堅剛慷慨穴居野處採獵為生以織毛褐為業崇尙釋教荷戈執戟防奸禦侮之功居多明志近今家塾黨庠咸樂絃誦日趨文明而人心

漸薄百偽朋興亦與昔年相殊

蘭州府志 藍王維 植與王南進書

**蘭州府**人性質樸好勇喜獵番漢雜處各從其習圖經被邊之地民以

鞍馬射獵為事勁悍而質木

宋史

民俗質樸尙武務農元志番漢雜處

敬鬼神畏法令士崇氣節忌脂韋板屋韋服樂與俗同

府舊志

蘭土

柔澤人多秀逸好修飾美服屠嗜草卉諸玩家營紡織有南土風

士勤讀嗜學重氣誼謹禮度彬雅斐郁府舊志重婚喪崇墓祭善本

業精工藝文雅頗盛漸尙浮靡

皋蘭志

土地肥美魚鹽之利民尚早

繁風俗純厚尙禮義務耕織

皋蘭志

金處山峪民樸力農家習儉素

士亦愿謹不競浮華

金縣志

習尚樸實急公樂輸婚姻輕財喪尚佛

事

金縣新志

民風樸質習俗儉嗇有唐蟋蟀遺意

金縣新志採訪

民尚施濟不

務游藝

臨洮志

山高苦寒盛夏不釋裘褐

舊府志

洮土勁燥民多愿悉

尚儉樸喜耕織不驚商賈技藝士質直醜謹不事曠達不修華飾

率敦忠信業耕讀與中土無異

狄道志

渭據山壤人直樸力農不逐

末作以勤儉相儆士多坦率尚耕讀厯宦一如寒素

渭源志人習武

藝不憚攻殺

明靖遠志

負剛勁尚氣節雖身冒矢石而悍衛牧圉若性

生

靖遠志

地處邊陲人民剛勁樸茂以耕牧為生計婚姻喪葬大率

浮靡

靖遠新採訪

河境諸番雜處風俗不純附城居民敦忠信尚恭謹

羌回諸種舊詭譎健訟近亦革心向化漸與中土無殊

河州志

平涼府人勤稼穡修習戰備

漢志

地接隴山氣節常晚仲夏花木始開

不產絲蠶惟與西戎博易為利地多牛馬宜以蓄牧人以騎射為

### 甘肅新通志

### 卷十一

輿地志 風俗

二

事

寰宇記

民俗醜樸不尚侈靡專事耕種不為寇盜婚姻喪葬頗近

古風

明一統志

地接邊荒多尚武節五方輻輳商賈競利不事文學亦

鮮浮靡馬牛夜牧道不亡失

府舊志

俗信鬼神士無浮靡

輻輳人多皆麻乾嘉以後頗尚奢華近仍儉樸

平涼新志

山高地冷早

霜薄收民居多板屋

華亭舊志

俗安簡陋士鮮干謁

華亭志

好獵務農民

純易化

一統志

民雜番夷土饒畜牧便騎射尚氣力

靜甯志

僻處山

谷地瘠民貧居多陶穴女鮮織紝人性樸直崇簡務本

錯居質樸力農不事商賈近漸浮華不似往昔

隆德新採訪

固原直隸州地廣人稀質木不為寇盜

寰宇記

漢回習俗尚武好爭回

民尤輕視儒書性悍而復宗教攸分俗尚亦異

固原新志

漢回雜處風

氣剛勁民性醜良

平遠志

山州雄壯民性健勁漢回分教而性情無

甚差等耕殖而外多務畜牧

海城志

化平直隸廳漢民尙儉性情樸拙重農輕商士無遠志同俗急農  
商不務工藝好鬪健訟化平新採訪

涇州直隸州水土雜於河西人烟接於北地迫近羌戎修習武備士  
則高尚氣略人以騎射為先寰宇記其人質木少桑麻之利布帛鹽

酪資於他郡一統志地瘠民樸崇釋信巫力農好鬪涇州志民質實不  
善訟力農字牧無他技業崇信志地處偏隅民鮮殷實居多陶穴質

而弗華尙有古風崇信鄉志民質而愚勤稼穡而罕末作鎮原志野多  
穴處耕牧為業鎮原志民風質樸服田力穡士則敦品勤學猶有古

風鎮原鄉志土瘠民貧家無餘積知本務農不爭捷巧靈臺志  
鞏昌府高尚氣力民俗質木漢書尙儉約習仁義隋書厚重質直宋史婚葬

之禮尙循古制元志地連四郡俗雜五方明一統志民性敦篤而氣勁悍  
務耕織習弓馬事浮屠士恥奔競抑浮華婚喪有禮府志人尙爭戰

甘肅新通志

卷十一

輿地志 風俗

三

而武藝精四民樂業無澆浮之俗古為用武之國翰墨大全力學務農

明成化志民務耕織鮮末作隴西志五方雜處人多智術尙氣力好爭訟  
衣則布褐居則板屋婚喪尙循古制隴西新採訪人習禮讓敦本尙實

耕牧自給邑有蓋藏婚喪依禮上下有倫府志俗勤耕牧家有蓋藏  
貧不走險餓不乞丐安定志土瘠民貧風俗强悍業勤耕牧性喜鬪

爭而崇禮讓尙儒雅猶有儉陋深思之意明一統志士習恂雅四民樂  
業府志性質實尙賙務獵士紳習儒雅崇禮義鄉遂之民足迹鮮及

城郭會甯志士勤詩書民號質實無華麗之飾多禮讓之風然信巫  
尙鬼習俗難移猾吏奸胥催科不易明一統志務農勤業不尙浮華士

敦詩書里尙調恤府志尙義輕生患難一心有忠君親上之風通渭志  
生聚頗繁物產亦盛士鮮緣飾民習樸茂無游閒之習多禮教之

行甯遠志士絕浮夸民崇儉樸然負氣好訟積習相沿未變明一統志人

勤稼穡多畜牧習尚質儉不事浮華府志川原平行風土深厚有物

產之饒敦龐好禮仕宦者慷慨磊落與人信厚無城府伏羌志其民

端重質直不事浮靡士風安雅民務耕牧府志俗最純樸遵守教令

不為奸宄耕稼之外別無生計西和志地瘠氣寒民崇儉力作士行

彬雅惟疊藏連壤番漢雜居每多獷悍之習府志勁悍質木好習弓

馬以田獵為生高尚氣力山居板屋岷州志地瘠氣寒饒林木之利

士人修飾文行崇禮讓勵廉恥岷州志人性勁悍習弓馬好射獵尚

儉約衣褐食麤崇尚巫覡洮州志敦樸質直約信不欺士習亦雅府志

民俗醇和樸素畏威而奉法洮州志

秦州直隸州地本膏腴民事耕殖元一志山林藩屏原隰敷衍尚直習

讓勤於耕讀明一統志度汧隴無蠶桑秦州志重然諾負氣節樸茂質實

勁直強毅猶存古風而流弊或慎忮忿爭耗財廢業州志民俗勤

甘肅新通志

卷十一

輿地志 風俗

四

儉禮文簡質四民各安本業號為樂土州新志勤稼穡廣畜牧民勞

而儉俗樸而純賙恤成習而薄華靡秦安志川原寥廓物產豐饒民

無末作士重德行然獮人羣聚奸宄易藏馴擾為亟清水志壤接秦

安土田尤瘠衣食淡樸士習頗醇清水新志土厚水深民風敦篤惟客

士各同強悍變詐習尚迥殊清水新志地僻一隅閭閻樂耕牧尚儉

約然壤接羌戎性多強悍禮縣志士習端慤民多質樸無剽悍凌競

之習奢侈淫靡之為禮縣新志人性質直俗尚儉約習禮義勤稼穡四

民安業舊稱樂土明徽州志寒燠得中物產略備居水陸之衝商賈輻

輳四民樂業徽縣志俗尚儉樸民情渾厚徽縣新志舟楫不通商賈不

至故民務本業而無羨心兩當志界徽山鳳水之間民不見奇裘務

本力農習安勤儉士敦實行兩當志習尚儉約不亞在昔兩當新志城

無列肆地不通商樸陋相沿無見異思遷之弊惟民智未開守口

陋不事工商難期殷富兩當鄉志

階州直隸州武都近天水俗頗似焉後漢書其人半秦多勇贛華陽志地

雜氏羌民俗樸魯而勁悍尙鬼重巫力田而外倚樵採爲生士循禮法駸駸有文物之風階州志地本邊壘其俗頗同秦隴楊甫志土瘠

民貧力於農事士勤絃誦卽武夫市井咸知重學舊通志俗雜羌氏

地連秦益士勤典籍彬雅有文民務耕植敦樸是尙鞏昌府志文縣鞏昌府志男耕

婦織節謹勤儉士行忠厚文縣志文地奇秀人多聰穎家營紡織士

習醕謹文縣志質樸勁勇習無浮澆明一統志務農習獵以耕織爲生民

養自足同谷志川原平行田土沃饒以耕織爲業而儉約自持然人

性獷悍俗習壽陵撫循非易成縣志

慶陽府好稼穡務本業有先王遺風陶復陶穴以爲居于貉爲裘以禦寒婚喪做古禮不惑於釋道異教府舊志民醕厚而不爭士篤慤

甘肅新通志 卷十一 輿地志 風俗 五

而有文宋章案安化樓記好勇尙武一統志重喪祭尙義舉耕讀相沿近亦

多事懋遷安化新志俗牧樵衣裘麤其地苦寒李夢陽贈王士吉序勤務農樵

習傳節儉府志務耕作事樵採人無逐末依然古風合水志習武備尙

文學地瘠人勤民樸少訟環縣志人敦忠義俗勤稼穡宋碑賦性樸拙

男不事賈販女不知織紡正甯志賦性忠樸致力農務府志士慤民醕

耕讀之外無他營業衣樸食淡有唐魏節儉之風正甯志儻野少文

士習端慤農務多而不精習好訟而易息其氣愚以魯其性質以

剛正甯志人性勇健不尙浮華學問相資閭里相濟甯州圖冊近來業休

蠶織人競浮夸遠不逮古甯州志

甯夏府地廣人稀逐水草畜牧以兵馬爲務寰宇記強梗尙氣重然諾

敢戰鬪金史性勇銳尙畜牧信釋重巫明初徙五方之民於此風俗

不純明一統志一人以技藝趨利畜牧爲資同甯夏甯朔二縣附郭風俗

同甯夏俗雜五方尚詩書重耕牧閑禮義甯夏志川原遼闊人民

稀少尚武務農重巫崇釋平羅新志本雜羌戎之俗後周遷江左之

人於此崇禮好學習俗相化靈州志工騎射信機鬼富強日倍禮

義日新靈州志人性勇悍以耕獵為事以畜牧為生府志民務稼穡事

牧畜不治蠶桑中衛志中邑風氣近趨浮靡尚奢侈鄙質樸務詐偽

好爭訟惟不信異教尚有質直之風中衛新志

西甯府俗崇釋教士業儒術人專孳牧童習彎弧衣被毳毛饔飧渾

酥明石標外戎內華山阻地險尚佛習獵夏秋少暑冬春多寒毳

皮為衣酥酒為飲番人以皮馬為禮畜牧為業舊志糧無二價家有

恆產方農習儉猶存古風府志樸直渾厚習節儉務耕牧士敦詩

書不事文飾番族星羅崇信釋教貴德廳志渾厚樸誠力農尚武信

巫祝崇釋道士少通儒丹噶爾廳志番同錯處俗尚各殊性獷悍多

甘肅新通志 卷十一 輿地志 風俗 六

畜牧循化廳志水草繁茂可牧可耕乾嘉以來生番漸化衣冠廬室

彷彿漢民府志漢番同撒羣焉錯處頗染夷俗以耕殖孳牧

為業婚葬各遵其教多異少同巴燕志地氣漸燠物力滋豐勤

農務學有衣冠文物之化府志民勤儉士謹愿得醕樸遺意礦伯志

人有漢土番同之殊俗以耕殖孳牧為業用褐為衣以土為屋崇

尚黃教不恥白丁邇來子弟漸知讀書頗新舊染府志風氣渾樸

力農孳牧民雜土番同諸種各安生業近亦頗識讀書惟同族好

營商販邑多素封之戶大通新志

涼州府金氣堅剛人事慷慨寶字記烈士武臣多出涼州虞詡論雖居戎

地然自張氏以來號有華風北史胡地既僻遠種雜羌同怙力負

強人懷賁育之志明趙時春人雜羌戎習俗剛勁或土屋而居或

穹廬而處以孳牧為生地理志民風醕質力農不諳技藝士無偽習

莊浪 番族風俗樸厚性尚馴良耕牧爲生不事詩書莊浪縣志涼俗

勤稼穡多畜牧風土壯猛便習兵事摧鋒執銳父死子戰無反顧

心武威志崇節儉敦禮讓質而不野尚武興文同土沃澤饒可耕可

漁人勇而知義俗樸而風醇鎮番志人性多慷慨質直尚武少文永昌志

舊志永人負氣好剛不事奔競永昌志土饒風寒人性剛勇以騎射爲

能孳牧爲業古浪志番回相雜習尚敦樸士質過於文不務奔競農

不逐末工無巧技商賈以穀量牛馬尚有秦風古浪志同治以後俗

漸澆漓近今長吏訓迪禮多從簡駸以復古古浪新採訪俗寡文教武

尚韜鈴爭氣節崇釋老平番志士知自愛農勤耕耨工無淫巧商屯

賤賣貴謀蠅頭之利平番志

甘州府民俗質樸漢寶融傳俗輕貧弱重豪富豪富之家侵漁小民如奴

隸魏志人性堅剛慷慨寰宇記土人穴居野處採獵爲生明一統志在昔牧

甘肅新通志 卷十一 輿地志 風俗 七

畜爲業弓馬是尚好善樂施今則人知耕稼大異往昔地雖邊境

而俗同內郡甘肅志賴雪消之水爲灌溉之利甘肅志撫彝地瘠民貧

俗尚質樸敦族洽鄰猶有親睦之意惟春祈秋報跳巫演劇積習

相沿近於浮靡撫彝廳新採訪勤力畝畝好學尚禮張掖志士風樸茂民知

稼穡山丹志士風誠樸耕讀兼資農服勤勞謹蓋藏不事侈靡工無

奇技商少列肆山丹志

肅州直隸州織毛褐勤耕牧務本業尚釋教風土醇厚氣習剛勇好

騎射循禮義肅州志民俗質樸勤於耕牧土腴氣正稻麥兼宜高臺志

安西直隸州俗同隴右人物尤繁富寰宇記美水草可耕屯舊志地雜番

回民氣尚武婚姻喪祭飲食衣服概從古樸耕牧爲生鮮習詩書

士風因以不振安西州新採訪俗尚勤儉風氣樸誠惟河西數坊民風日

趨強悍敦煌新採訪士安耕讀民崇樸實習尚純良玉門新志

禮俗冠禮不行已久婚禮夫婦爲風化之原六禮備具以借伉儷重始也蘭俗婚禮納采俗稱上門問名俗稱討庚血以彩酒爲禮女家授以庚帖俗稱小八字納吉俗稱同小八字以銀飾爲禮將子平家合定庚命復於女家納徵俗稱取婚以榼酒幣帛服飾爲禮女家授以婚帖饋壻以女之鍼褱及鞞帽等物請期俗稱送日子選定吉日送帖於女家皆媒妁將事親迎以榼酒爲禮彩輿仗樂俱備亦有不用仗樂者壻不自往代以男僮四人俗稱擺禮女僮一人俗稱取親女家送者亦如之男僮稱押轎女僮稱送親匱具豐者先期送儉者是日隨彩輿送婦輿至門女僮二人出迎壻俟於庭婦至行拜堂禮入房行合巹禮壻卽日詣婦家謁見婦父母俗稱回門婦父設酒食會賓親禮壻次晨賀客畢至婦父母與其親賓亦來賀婦皆遍拜之是日燕富者之燕或淡旬而後止近

甘肅新通志

卷十一

輿地志 風俗

八

則奢儉稍適中矣

重修皋蘭縣志

婚不書庚帖但憑媒妁一言爲定初定

親送茶葉燒酒次送財禮布疋首飾豐約不等娶不親迎新婦入門偕壻行一跪三叩禮次日謁翁姑九日壻偕新婦如岳家謁其尊長並謁新婦之外舅禮如前

海城縣志

已問名先書庚帖兩姓試驗

均吉然後具酒肉送女家會親家及媒戚謂之謝允比納幣男家備物設筵女家邀兩姓親屬媒翁當筵下帖行禮翁壻答拜致敬筵日媒先以雞酒通言女家至期不親迎僅修帖書梳妝吉時吉方婦至大門壻揖以入行拜堂禮次日新婦盛衣拜先祖謁舅姑三日入廚作羹會親友女家人亦往省視焉

隴西分縣志

先遣媒妁次

納采納幣報期親迎不論財猶有古風

甯遠縣志

婚不親迎備彩輿馬

擇女眷之無故者往迎女家送婦者亦如之合巹三日行廟見禮

岷州志

婚憑媒妁定約不用庚帖納幣惟梭布數匹亦有用綵幣及

論財者比親迎預請期及吉飾輿馬如女家陳巾飾衣服數具禮物酒醴數品行四拜禮迎婦歸女家亦車馬送之婿先歸俟諸門外設香案置弓矢滿斗婦至以甌鋪地術士執弓矢射四方謂之退五道然後婿揖婦入交拜合登詰朝謁宗祠見舅姑禮多簡約洮州志婚六禮不備將娶先期送庚帖酒幣服飾行冠笄禮親迎入門先拜翁姑後合登三日後婿謁妻父母設饌宴婿西和縣志將爲婚請賓通辭女家諾不納采即問名不用雁納吉亦無贄納徵具束帛以兩袿裙釵珥豐殺視資力行告期禮月用耦不用奇婚前納贄於女之舅氏並女之父母至期備彩輿女家以兄弟子姪送之既歸改婦髻爲髻用紅巾罩面設香案拜天地歸房婿用杖解單面巾次日婿謁妻父母曰同門秦州志締婚必門第相當女家不索財禮男家不計妝奩雖貧戶亦易爲婚近年貧戶索財禮矣其

甘肅新通志

卷十一

輿地志 風俗

九

餘禮文與秦州同秦安採訪議婚既允冰人焚香酌酒於其祖先徧揖

其家人歸告男家冰人拜揖禮如前禮縣志婚初通媒次插戴次會

親行冠笄禮合登次日婿謁妻父母不執贄成縣志婚重門第及年

齒不論財聘貧家問有索之者備妝奩意納幣邀兩姓親友用鼓

吹送之女家具枕履數事以答至期用綵輿鼓樂倩少婦迎送婦

至門男揖入中庭設香案以次成禮畢婿即在女家拜謝慶陽府志訂

婚必取男女年庚對合無冲尅然後定議卜吉期請賓告女家曰

通信送采幣衣飾曰下聘女家備妝奩送男家曰鋪床臨娶請女

賓爲新婦冠笄曰冠帶女家請女賓送之曰送親三日謁翁姑贄

以鍼帶同室長幼各拜見曰分大小甯夏府志婚先求女年庚納吉時

同男女年庚書帖送往女家謂之送婚親迎用婦人靚粧前導送

者亦如之合登後親友具賀讌極豐盛俗尙過奢武威縣志婚禮略節

古制而俗尚儉約貧富便之鎮番縣志婚筮吉先期送衣飾謂之過禮

厚薄稱其家從不言財親迎遵古禮惟不奠雁永昌縣志婚既議允遣

媒妁列幣二束或四束在女家定婚繼又列幣暨簪珥數事姑親

往視女家令閨女謁見謂之插戴至期親迎合昏如禮若貧家女

未及笄適男家待年曰童養男未娶入女家待婚曰招贅古浪縣志凡

議親納采謂之送婚納聘宴賓謂之會親親迎奠雁以綵輿鼓樂

從女家妝奩排列通衢親友乘車迎送之甘肅府志婚納采以梭布五

兩錢拾餘緡近則倍蓰餘尚如古撫彝廳新採訪婚以庚帖為定納采用

梭布簪珥娶不親迎禮多從俗王子庄新志婚先合八字送庚帖後行

納采禮稱家有無娶不親迎倩女眷代迎富者三日後宴賀一月

後新婦同母家在任一月謂之坐對月敦煌縣志近習奢華貧者幾難為

力敦煌縣新採訪

甘肅新通志

卷十一

輿地志 風俗

十

喪禮存諸經五服制度著於令甲近世居喪服用大布襲以極粗

麻布巾履亦用之散髮面深墨時薦之享依服制重輕跪以獻遞

相授受及喪主哭而薦之賻從厚富者於內外親屬有服之外賻

給白布謂之散孝初喪族鄰戚友來弔三日小殮七日大殮題木

主及成殮日俱來奠酬以觴酒豆肉殯日親族鄰友或白服或衣

冠送至墓所既葬喪主並踵門謝之皋蘭縣續志喪葬不作佛事有棺

無槨服稱之親族送葬俱白衣冠子孫亦然不用麻衣不修墳墓

不題木主家供神堂逢節焚紙海城縣志喪三日成殮四日成服行禮

用樂不用浮屠士紳家麻冠衰經以杖葬時必請顯者題主棺槨

具器執事稱家資力隴西分縣志喪辦踊成殮三日後成服七七致奠

寢苫枕塊不如葷酒麻素三年棺衾含殮之具稱有無焉西和縣新志

浹日成殮五服之親咸集衰麻祭奠葬不停柩殯用鼓樂素旛別

無增飾惟自首虞至七虞自小祥及卽吉無論智愚以多作佛事

為孝否則以為薄於其親岷州志喪具訃書三日大殮成服懸門紙

出告七日設奠葬前一日開弔行奠禮亦有作佛事者大族請賓

題主既窆墓祭反祭於寢三年釋服洮州志喪三日含殮成服奠祭

如禮殯時主人牽紼杖而前引不絕哭至墓請賓題主既葬奠主

於輿反至家行安主禮釋衰易麻冠秦州志喪用朱子家禮不作佛

事塋用甌砌灌以石灰中如圓室形可納冥器頂藏誌石柩入用

甌並石灰封壙門始實土起墳雖貧者亦勉力為之秦安志喪既成

服行三奠禮實訃聞告牌於壁葬前設奠如朱子家禮殯挽紼行

哭至墓迎柩下壙置銘旌於棺實以芻靈杯瓊之屬不作佛事禮志

喪衣衾棺槨務盡其實繁文多略有結會助葬之舉清水志喪既

成服停柩在家數年始葬少年病歿惑陰陽家言停棺野外文縣志

甘肅新通志

卷十一

輿地志 風俗

十一

喪大殮成服致奠題主皆如家禮惟多動鼓樂宴賓客作佛事製

紙綵殊非古矣成縣志殮用常服無賻貲三日內懸紙旛七日行奠

禮將葬門外設棚列銘旌方相行祭禮不作佛事慶陽志喪禮最重

衰經冠履多依古制既葬麻巾衰衣必大祥後始易期功以下近

亦多就簡便甯夏志士大夫家喪遵家禮惟習俗移人奢靡是競多

有盛作佛事者卻不惑陰陽家言致停柩不葬西甯縣志父母初終

披麻臥草三日小殮七日大殮殯期不出七七富家不論親疏通

送孝布送喪用綵樓秧歌小唱前導雖云不儉其親非聖人與易

甯戚之意武威縣志喪三日入殮服衰七日行祭禮殯時焚草於門外

葬不演劇惟齋七作佛事士大夫家亦未盡免鎮番縣志士大夫喪遵

家禮時俗多延僧修薦或一日或三日或五日至鼓吹宴客無服掛孝

俗已革矣永昌縣志殮以三日或五日掩棺受弔則以七日逾月而

封墳守墓終三年而更服貧者多從簡約古浪縣志喪成殮服斬衰

地修墳葬前一日致祭親友助賻酬以酒肴次晨親友肩櫬至塋

安葬攢土而歸平番縣志喪衾殮如禮三日親友往弔首七以素茗款

客三七設祭延賓贊禮殯前設奠間作佛事殯之日以方相開路

舉前列功布髮牌銘旌冥器並以紙作鹿馬獅犴車旗僕從參用

僧道鼓吹親友送至墓所葬三日親友赴塋祭奠細民不盡如禮

甘肅府志喪具稱家有無服及期功女既適人親喪衣履皆純素三年

至三日首七延羽流諷經葬之日富者族鄰舁柩至墓貧者以車

喪主哭踊前導婦女泣從亦有用羽流鼓吹導引者撫彝廳新採訪喪服

無制祭奠率禮俗相間惟風尚佞佛多延黃冠緇流鼓吹誦經名

曰超度亡魂山丹縣新志喪不事浮屠略循家禮俗不停柩墳無廬舍

間有坊表碑誌肅州王子莊志喪禮簡約紳衿延賓祭奠諷經宴客稱家

甘肅新通志

卷十一

輿地志 風俗

十一

有無敦煌縣新採訪

祭禮四時及其先之生卒日祭於木主前並奠於墓春秋拜掃男

婦俱詣墓除夕男祭於寢婦哭祭於大門之外相傳明初遷徙江

南等省人於此婦人遙祭母家親屬天涯望哭遂以成俗皋蘭縣志祭

遵文公家禮視家世斟酌行之小祥大祥期禫以及生卒日雖遠

至廿年無不盡哀致敬隴西分縣志祭禮家法概無行者春秋致祭士

紳家間祀宗祠餘祭於寢甯遠縣志邑鮮宗祠春秋霜露清明孟冬均

祭奠於墓無闕西和縣新志清明拜掃備饌詣墓祭畢合族燕飲謂之

散福中元孟冬皆然文縣新志士庶作木龕於寢列主以祭仍有上墳

掃墓之祭成縣新志凡歲時令節及祖考生卒日必焚香燭楮幣於墓

陳饌與否貧富不同清明祭掃培土於塚秦安同秦州新志每遇節令

必祀先祖祠清明如墓祭焉清水縣志祭多設主於寢四時惟重清明

男婦皆赴塋拜掃祭用一羊或用一豕蒸餅十二枚祭畢即於墓旁散福貧者用隻雞斗酒其日無論長幼必至慶陽府志世族有宗祠

家廟會祭多用羊士庶多祭於寢用恆品豐儉無定春秋祭奠孟冬朔及冬至除夕皆設祭必備物懸遺像其禮尤重甯夏府志搢紳世

族多建宗祠春秋行祭禮庶人於四時忌日祇詣先塋拜掃墓祭西甯縣志建祠行祭者僅數家餘逢家諱日祭於寢清明中元孟冬

皆掃墓以祭武威縣志祭視文公家禮雖未備具猶不甚遠通行者歲除日設畫像既夕焚紙幣黎明陳饌奠醴永昌縣志四時皆往墓祭除

夕歲旦始家祭亦有門外哭祭者古浪縣志朔望拜禮於先祖考前元旦元宵供酒饌於家清明拜掃於墓餘則或祭於家或祭於墓平番縣志仕宦家建宗祠士庶即以主房作影堂奉祖禰木主二分二至

隨時設享名親友如燕禮朔望薦新細民隨居有影堂但不設饌

甘肅新通志

卷十一

輿地志 風俗

三

朔望亦知薦新甘肅府志歲時致祭清明中元備香帛酒饌祭於墓或

祀以羊撫彝廳新採訪元旦祭祖於寢陳酒饌焚楮帛復祭於墓清明男婦登墓祭餘祭於寢肅州王子莊志俗無宗祠各奉祭木主於寢歲時會

親屬祭奠於墓敦煌縣志

**時令**元旦長幼夙興祀天地祖宗焚香燃爆竹以次行禮親友交

相賀數日乃畢初旬謁墓焚楮幣皋蘭縣續志元旦設供以祀天地祖

先各相拜賀嘗預為三日饌謂之年飯會甯縣志元旦祀先賀年畢親

識各具酒餚交相招飲自是日至十六日止謂之節酒西和縣新志元

旦男婦長幼服新衣持棗果拜親戚朋友謂之賀元旦洮州府志元旦

禮天地五祀祖先供盤饌奠酒漿飲歲酒親黨相慶賀門帖畫羅

慶陽府志元旦士庶喜辦衣服酒食以豐麗相尙黎明合族於祠祀先

以明尊卑永昌縣志元旦賀正禮百神甘肅府志元旦賀年懸彩燈敦煌縣新志

立春日啖春餅名曰咬春府志立春前一日邑宰率屬迎春於東

郊祀芒神畢迎土牛芒神歸至縣署安置街市鼓樂結彩比立春

時邑宰率屬鞭土牛畢里人爭取土作藩籬以為六畜與旺平安

吉慶鎮番志立春前一日迎春東郊邑人裝古事吹幽擊鼓觀芒神

土牛色以占水旱豐歉鄉人會飲茹春餅永昌縣志立春前一日迎春

東郊師巫社鞞雜陳百戲庶民縱觀之山丹縣志正月三日備楮幣拜

墓曰送新年紙初五六日鄉民行儻禮扮演故事舊城民有拔河

紙馬之戲洮州府志正月三日焚紙馬謝神後互相招飲名曰年酒盈

月而止鎮番縣志正月五日昧爽掃除院宇送土野外曰送窮土是日

女不舉鍼工舉則謂之刺窮窟平涼縣志四日三鼓熾炭或鐵投醋盆

繞屋行道吉語除不祥及大門外覆之曰打醋罈又曰送五窮甯夏府志

五日黎明灑掃地土雜香表舉以送街名曰送五窮是日拘

甘肅新通志

卷十一

輿地志 風俗

古

忌非至戚不相往來靈州新志七日食餅麪擊銅器相叫呼為招魂甯夏府志

府人日黃昏後弱女幼子懷餅焚香赴街相呼名曰招魂靈州新志元

宵前後廟宇設布棚盛張燈彩通市懸燈翦彩十三日謂之試燈

十七日謂之殘燈作粉粢饋元宵花燭簫管綵帳錦棚龍燈竹馬

秧歌社鼓侈麗甲於隴右皋蘭縣續志元宵前後翦紙為燈懸列通衢

各鄉社慶神合醮歌唱為樂謂賀新年會甯縣志元宵張燈十六游三

橋卻疾疫甯遠縣志元宵持紙錢燃燈於祖塋十六日執香燭謁寺廟

謂之走百病西和縣新志元宵觀燈演社鞞十六日各村燈會赴各廟

行香謂之游百病洮州府志元宵街巷張燈家家燃一盞燈以燈花驗

歲運禮縣志上元搭松棚張燈凡五夜燈月交輝笙歌騰沸居人以

桂蜜泡水供客謂之桂花茶文縣新志元宵燃燈放花爆男女游觀以

為豐年之兆十六日出游向北方謂之散百病婦人焚艾於門樹

亦云灸百病慶陽府志上元預以泥塑秦檜夫婦像於通衢用火燒之

名曰燒秦檜是夕婦女相攜以手摸長舌臂足名曰游百病靈州新志

元宵四市懸燈雜扮花鼓高擺演百戲武威縣志元夜懸燈前後三夕

間有花爆局戲鎮番縣志自十三至十六日競張燈火花爆童子歌舞

遊戲以慶元宵永昌縣志十四日夜懸燈街巷或諷經或演戲或扮故

事躍舞通衢十七日止平番縣志元宵通衢張燈民戶以綫密綴火香

於小松株上名曰火樹龍燈竹馬歌踏街市以慶豐年甘肅府志元宵

前後盛張燈炬鼓樓前蒙紗畫佛像名鼇山燈士女雲集敦煌縣新採訪

二十三日夕剪紙人刺孔遍身當門焚草子女皆繞火跳越已而

焚紙人曰療疔平涼縣志廿三夕人家堆炭藜於門外以火焚之撒以

鹽老幼相跳越名曰療疔既而揚其灰名六穀花以占豐年靈州新志

二月二日祀土神開山子石藥王大小洞士女拜謁焚香祈福蘭

甘肅新通志

卷十一

輿地志 風俗

五

縣續志二月二日炒各種豆食之曰殺蟲平涼縣志二月二日炒各色麥

豆圈灰綫於室周圍謂之禁蟄蟲西和縣新志二月二日晨起撒灰周

室廬往各社廟祭神卜珙以占歲夕祭土神由是播種興農事洮

廳慶陽府志二月二日朝藥王洞遠鄉士女畢集慶陽府志二月二日將元旦所

作爐餅集老幼於庭食之名團圓餅取一年團圓之意靈州新志二月

朔張燈如元宵次日以牲醴祀土神祈豐年武威縣志二月二日懸燈

放火樹遊戲晨起汲水謂之引龍永昌縣志清明節前通行拜墓禮為

春祭昇城隍神於厲壇郡縣官設饌致祭士民共禮之異鄉士女

以楮帛盛於封內赴壇焚之謂之帶包皋蘭縣續志清明日挈榼提壺

相邀野田或梵刹間共游飲曰踏青插柳枝戶上婦女並戴於首

祓除不祥甯夏府志清明日拜掃祖塋攜酒榼郊外踏青焚香於掩骨

寺士女雜遝平羅縣新採訪三月三日步郊外踏青以舒陽氣禮縣志三月

二十八日東嶽廟會前後三日市陳百貨相貿易府志四月八日

五泉山爲浴佛會人士游觀施金錢山洞中有摸子泉婦人乞子

者摸得泉中石子云宜孕皋蘭縣續志四月八日浴佛之期各村落赴

神廟以祈甘雨洮州廳志四月八日爲麥節暨佛誕辰居民多詣寺燒

香成縣新志四月八日靈湫神會拜迎聖水祈年慶陽府志四月八日游千

佛洞士女前三日進香至日尤盛敦煌縣志五月五日門插艾柳兒童

帶五色絲索佩香囊塗雄黃於髮際耳鼻親友餽角黍交相賀節

飲雄黃酒皋蘭縣續志端午節以艾蒲柳枝編插門戶以避瘟疫置雄

黃酒小兒以五色絲索繫腕脛以辟五毒西和縣新志端陽門首插柳

禦瘟疫飲蒲酒作艾虎擇月厭日由官給劄請各鄉龍神至城外

朵山禳雹旋昇至西關外賽會民皆赴之洮州廳志端午貼符門首插

菖蒲艾葉閨中以綵作符剪艾虎相餽送甯夏府志端午採百草以製

甘肅新通志

卷十一

輿地志 風俗

六

藥餌鎮番縣志端午門前插柳飲蒲酒入雄黃兒童身繫長命索甘州府志

端午女之已嫁者多歸母家謂之女兒節敦煌縣新採訪六月朔至十九

日頂香朝興隆山後五泉山百步拜佛相習成風六月六日游五

泉西龍口沐髮謂能已頭痒拜祖墓奠菜豆漿薦時食皋蘭縣續志六

月六日曝書畫衣服平涼縣志六月六日汲水久蓄不壞採百草合麴

以釀醋西和縣新志六月六日汲水造酒麴慶陽府志伏日前後農夫以師

巫賽田祖祭蜡神武威縣志六月六日曝衣服造酒漿醋麴永昌縣志六月

六日通行拜墓禮爲夏祭甘州府志六月六日採藥草煎湯大小皆飲

浴謂不出瘡疥敦煌縣志七月七日兒女設瓜果於庭前祀星穿鍼乞

巧皋蘭縣續志七夕兒女設瓜果陳鍼工作乞巧會會稽縣志七夕室女束

豆苗置盃拜織女星以乞巧成縣新志七夕女紅乞巧於織女設蔬菓

拋芽水上察影以下巧慶陽府志七夕室女設香案於星光之下拜織